

e-Dinamik

MAJALAH DIGITALAKADEMIA UiTM CAWANGAN JOHOR

eISSN: 2682-7832



EDISI KETUJUH 2025



اَبُو رَسِيْمِي تَبَاكُو لُو كِي مَارَا
UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

PERUTUSAN TIMBALAN REKTOR BPJIA

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.



Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademia.

Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademia untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatimah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nuruu Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman
Rohayu Ahmad
Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop
Dr. Nur Syamilah Arifin
Dr. Wan Munirah Wan Mohamad
Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid
Dr. Wan Nur Fazlina Abdol Jani
Noorashiekin Khalid
Mazni Mat Zin
Nurrul Amilin binti Zainal Abidin
Nurulnatisya binti Ahmad
Ts. Dr. Siti Aminah Nordin
Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran
Mohamad Hanif Bin Awaludin



HADIS ITU INDAH, JIKA DIFAHAMI DENGAN BETUL

Mohd Shukri Mohd Senin, Mohd Ali Muhamad Don, Mohd Rilizam Rosli

Dalam kehidupan seharian, kita sering mendengar hadis Nabi Muhammad SAW disebut di dalam ceramah, kuliah agama, malah di media sosial. Ada hadis yang dikongsi bersama keluarga di meja makan, ada juga hadis yang tular di WhatsApp atau Facebook. Namun, tidak semua yang disebut sebagai “hadis” itu benar-benar sahih daripada Rasulullah SAW. Di sinilah terserlah keindahan dan keunikan ilmu hadis iaitu apabila kita faham dan selidiki, barulah kita nampak betapa berharganya setiap butir sabda Baginda SAW.

Hadis ialah sumber kedua selepas al-Quran dalam membimbing umat Islam. Melalui hadis, kita belajar cara solat, adab bergaul, doa yang baik, bahkan hal-hal kehidupan seharian kita. Rasulullah SAW diutus bukan sekadar membawa wahyu, tetapi juga menjadi contoh hidup kepada manusia. Setiap hadis sahih membawa cahaya petunjuk, penuh dengan hikmah. Ia ibarat permata, semakin digilap dengan kefahaman yang betul, semakin bersinar maknanya.

Namun, sayangnya ramai di kalangan kita lebih suka mengambil jalan mudah. Apa sahaja hadis yang tampak indah bunyinya, terus dikongsi dengan menyandarkan kepada Nabi SAW tanpa semakan. Contohnya hadis “Tidur selepas Asar jadi gila” atau “Syurga di bawah telapak kaki ibu.” Ada yang sahih, ada juga yang tidak sahih. Tetapi kerana tidak menilai dengan panduan ilmu yang benar, ia telah menjadi pegangan sebahagian masyarakat. Sedangkan, jika diteliti, hadis sahih jauh lebih indah dan sesuai dijadikan panduan hidup.

Keindahan hadis bukan hanya pada lafaznya, tetapi kesan mendalam yang dibawa di dalam jiwa. Bayangkan hadis yang masyhur:

“Sesungguhnya amalan itu tergantung pada niat” (Riwayat al-Bukhari dan Muslim). Betapa ringkas ayatnya, tetapi dalam maknanya. Jika kita hayati, setiap perkara kecil seperti memberi senyuman, menolong jiran, atau berkongsi ilmu, akan bernilai besar di sisi Allah jika diniatkan kerana Allah SWT. Inilah keindahan sebenar sunnah. Ia menghidupkan hati-hati kita.

Oleh sebab itu, kita sebagai masyarakat perlu belajar menghargai hadis dengan cara yang betul. Caranya mudah iaitu semak dahulu sebelum sebar, rujuk ulama hadis atau laman sesawang yang sahih seperti sunnah.com, dorar.net, atau karya ulama muktabar. Lebih baik jika kita belajar ilmu takhrij hadis, iaitu ilmu seni menyemak status sesuatu hadis. Dengan itu, kita tidak sewenang-wenangnya menyandarkan sesuatu dengan, “kata Nabi”, walhal sebenarnya bukan daripada Baginda.

Akhirnya, marilah kita melihat hadis sebagai sumber inspirasi dan motivasi hidup. Jangan biarkan ia sekadar hiasan teks di media sosial. Hadis itu indah, tetapi ia hanya akan terasa indah apabila kita fahami betul-betul maksudnya. Apabila difahami dengan betul, ia akan menghidupkan iman, melembutkan hati, dan mendidik jiwa. Rasulullah SAW bersabda: “Aku tinggalkan kepada kamu dua perkara; kamu tidak akan sesat selama mana kamu berpegang kepada keduanya: Kitab Allah dan sunnahku” (Riwayat Imam Malik). Inilah janji Baginda bahawa sunnah itu cahaya, asalkan kita menghargai dan memahami keindahannya.